

UGOVOR
o nabavci službenog vozila za specijalizovane namjene

1. Agencija za zaštitu ličnih podataka u Bosni i Hercegovini, Sarajevo, Dubrovačka broj 6, ID broj: 4201361110005, koju zastupa direktor dr. Dragoljub Reljić (u daljem tekstu: Ugovorni organ), sa jedne strane, i
2. Porsche Inter Auto BH d.o.o. Sarajevo, sa sjedištem u ulici Mali Kiseljak broj 6A, Blažuj-Ilidža, ID broj: 4202574310004 kojeg zastupa direktor Vaszi Andor Alex, prokurist Dino Karić (u daljem tekstu: Dobavljač).

Član 1.

Predmet ovog ugovora je nabavka novog službenog vozila za specijalizovane namjene marke: Škoda, model: Octavia, godina proizvodnje: 2025., boja: crna, radni obim motora: 1968 ccm, snaga motora (kW): 85, a sve u skladu sa tenderskom dokumentacijom i ponudom broj: 44316/10/2025/1 od 04.12.2025. godine koja čini sastavni dio ovog Ugovora.

Član 2.

Kupoprodajna cijena službenog putničkog vozila iz člana 1. ovog ugovora iznosi 46.594,87 KM bez uključenog iznosa PDV-a, odnosno 54.516,00 KM sa uključenim iznosom PDV-a.

Ugovorni organ ne smije imati nikakvih dodatnih troškova osim kupoprodajne cijene iz ovog člana ugovora.

Član 3.

Dobavljač neće za izvršenje obveza iz ovog ugovora angažirati podugovarače.

Član 4.

Dobavljač je obavezan da preda Ugovornom organu novo službeno putničko vozilo iz člana 1. ovog ugovora, u sjedištu Ugovornog organa koje se nalazi u ulici Dubrovačka broj 6, Sarajevo nakon obostranog potpisivanja ugovora a najkasnije do 31.12.2025. godine.

Ugovorne strane su saglasne da se prilikom isporuke službenog putničkog vozila sačini zapisnik o isporuci i ukoliko je isti sačinjen bez primjedbi i potpisan od strane Ugovornih strana, smatraće se da je isporuka izvršena.

Sve troškove isporuke snosi Dobavljač.

Član 5.

Dobavljač odgovara za pravne i materijalne nedostatke na službenom putničkom vozilu.

Član 6.

Ugovorni organ će pregledati isporučeno službeno putničko vozilo na uobičajen način i o vidljivim nedostacima obavijestiti Dobavljača u roku od 8 dana.

Ugovorni organ koji je uredno obavijestio Dobavljača o postojanju nedostaka, može od njega zahtjevati da nedostatak otkloni u roku od 15 dana, u protivnom će se primjeniti odredbe Zakona o obligacionim odnosima.

Ako je, zbog nedostatka, došlo do popravke ili isporuke drugog službenog putničkog-vozila, zamjene dijelova i slično, rokovi iz prethodna dva stava počinju teći od predaje popravljenog ili isporučenog drugog službenog putničkog vozila, izvršene zamjene dijelova i slično.

Član 7.

Ugovorni organ se obavezuje da će ispravno ispostavljenu fakturu platiti na transakcijski račun Dobavljača naznačen na fakturi, u skladu sa trezorskim sistemom, žiralno u roku od 30 dana od dana prijema fakture.

Član 8.

Garantni rok na vozilo za specijalizovane namjene iz člana 1 ovog ugovora traje 5 (pet) godina, računajući od dana isporuke vozila za specijalizovane namjene.

Član 9.

U slučaju prekoračenja roka za isporuku robe do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,03% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko do kašnjenja dođe usljed više sile.

Kašnjenjem se računa datum isteka roka koji je određen kao rok isporuke robe.

Član 10.

Dobavljaču se postavlja uslov da nema pravo da zapošljava, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dđjelu ovog Ugovora, najmanje šest mjeseci po zaključenju Ugovora.

Član 11.

Ovaj Ugovor stupa na snagu danom obostranog potpisivanja Ugovornih strana i zaključuje se na period do isteka garancije za vozilo za specijalizovane namjene iz člana 1. Ugovora.

Član 12.

Sve eventualne nastale sporove pri realizaciji ovog ugovora, Ugovorne strane će rješavati sporazumnim putem, u protivnom ugovara se nadležnost Suda Bosne i Hercegovine.

Član 13.

Svaka od Ugovornih strana može otkazati ovaj ugovor u pisanoj formi, uz otkazni rok od 15 dana iz svih razloga propisanih Zakonom o obligacionim odnosima.


Član 14.

Na ostala prava i obaveze ugovornih strana, koja nisu regulisana ovim Ugovorom, primjenjivat će se odredbe Zakona o obligacionim odnosima.

Član 15.

Ovaj ugovor je sačinjen u 5 (pet) istovjetnih primjeraka, od čega Ugovorni organ zadržava 3 (tri) primjerka a Dobavljač 2 (dva) primjerka.

DOBAVLJAČ



ZA: Direktor
Vaszi Andor Alex

Broj: P1A-U-488/2025
Datum, 24.12.2025

Broj: UP1 08-16-19-28-15/25
Datum, 18.12.2025. godine